



Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi
MDCXXVIII.**

Brogberen, Johannes

Coloniæ Agrippinæ, 1657

In Monasteriis Monialium, victum ac mensam communem esse oportere.

12

urn:nbn:de:hbz:466:1-14298

Matth. 4. matura fortior ad resistendum diabolis infidiis ac jaculis, quam gladius ille spiritus, quod est verbum Dei; quo Christus, in deserto folidarius, jejuniis & orationibus vacans, & nihil feci tentationibus diabolis expositus, retudit omnem diaboli fraudem ac nequitiam. nihil quoque potentius illo ad deiciendos, ac vicissim consolando animos nostros, nihil efficacius ad concitandum mentem in amorem Dei, contemptum mundi, ac omnium quæ in mundo pulchra ac speciosa apparent.

CAP. VII. *Monachi bona indolis ad Academias mittendi.*

Neque Nobis displicerit, ut aliquot ex Monachis' bonæ indolis, ad Universitates publicas & bene Christianas, aliquot annos Theologicis studiis operam navaturi, mitterentur; illuc tamen non alibi, quam in Monasteriis seu Gymnasio, sub cura & oculis præceptorum commoraturi; ne, bonis ac rectis studiis destinati, mores minime monasticos imbibant ac contrahant.

CAP. VIII. *Moniales non esse alligandas, ut nulli quam suo (ut vocant) Patri aut Præposito confitentur.*

Sint prætere in Monasteriis, virginum præfertim, præter Abbates aut Præpositos, alii conscientiarum examinatores ac à confessionibus. Aut saltem virginibus liberum sit, bis aut ter in anno aliis (quos elegerint) probis ac doctis viris, de suorum Superiorum (ut vocant) consensu (quem hi, interpellati, rationabiliter causâ intellecta, nequaquam negabunt) conscientias suas exomologeli exponere exonerareque; ne scilicet adiugatur Monialis, rentis, semper uni homini delicta confiteri. Debent autem hi, qui ejusmodi munere in Monasteriis Monialium funguntur, esse homines vita probatissimæ, ac morum quam maxime inculpatorum, eruditi ac singularis judicii, observaturi ea, quæ supra, ubi de Pœnitentiæ Sacramento tractatum est, delibavimus. Cavebit autem is in primis, criminum non confessorum remembrance; ne virgines dicant, quæ prius nescierunt. Cavebit præterea, nisi res omnino exegerit, duritatem incrementationis, magis intentus ad modestissime argendum, & pientissime vicissim consolandum. Confessiones autem Monialium non privatim audiet, sed in cæterarum conspectu; non tantum ut omne malum, sed & omnis mali suspicio omnino cesseret.

CAP. IX. *Mutatam esse paulatim faciem Monasteriorum, ac usurpatum hospitiij jus, simul cum accessu, moderandum.*

Monasteria; olim virtutum scholæ ac pauperum hospitalia erant: nunc, proh

dolor, videmus ea, quæ virorum sunt, è scholis virtutum, in diversoria militum ac raptorum, quæ verò mulierum sunt, in plerisque locis in suspectas de incontinentia domos (ne quid gravius dicamus) esse commutata. Quam obrem dispiciendum Nobis est, ne tam passim à quibusvis militibus hospitiij jus à Monasteriis vi exigatur, & Eleemosynæ, pauperibus deputatae, improborum luxu devorentur, neve ad Monasteria Virginum accessus, toties à sacris Canonibus prohibitus, patet: & ut, qui deprehensi præter hæc fuerint, offendiculum aut occasionem illis labent, sive intra sive extra Monasteria, dedisse, dignas peccas ferant.

*c. I. de
immu. Ec-
clis. c.
Monast. de
vit. &
hone. b.
Cler.*

CAP. X. *Visitatio Monasteriorum necessaria.*

Visitatione ergo Monasteriorum quam maxime opus esse, intelligimus; quam & Canones nobis imponunt. In hoc vero oportet omnia ad Regulam Ordinis Monastici exigere, nihil non ad pietatem & vitæ sanctimoniam dirigere, & quicquid mali exemplo aut improbae confuetudinis irrepit, penitus tollere ac eradicare. Profecerit quoque hic, examinari Regulas, statuta & confuetudines, tolli superstitiones.

*c. in fin-
gulparag.
Porro
Dixit. de
santu.
Mona-*

CAP. XI. *Sumptuosi Monialium Præ-
positi abrogandi, & frugales øco-
nomi constituendi.*

Habent quædam Monialium Monasteria sumptuosos Præpositos, sub quorum potestate quum omnis Boworum administratio sit, ipsi de redditibus Monasticis luxuriantur; & qui Monasticæ conversationis exemplum esse debuerant, ad mundi delicias revoluuntur; fastidientes interdum similam & melia; interim Monialibus ipsis viii milio & cibario pane rugientem ventrem saturantibus. Sunt quoque Virginum Monasteria, ubi non est vietus & mensa communis, sed mos ille (quem ad Corinthios scribens Paulus, quamvis in longe sacratori convivio, damnavit) quotidianus, nempe quod unaquaque suum cibum præsumit ad manducandum; & alia quidem esurit, alia vero ebria est. Quos abusus tollere necessarium putamus; videlicet, ut, in illorum delicatulorum Præpositorum locum, probi œconomi, à Nobis comprobandi (quorum vietus sit Monastico similis) surrogentur; qui etiam obligati erunt singulis annis rationem de receptis ac erogatis integrum reddere.

*Hieron.
I Cor. II.
c. Oſiſ. 9.
q. 3. c. qui
reliq. 17.
q. 2.*

CAP. XII. *In Monasteriis Monia-
lium, viatum ac mensam commu-
nem esse oportere.*

ITidem ut Moniales viatum ac mensam communem ubique habeant, & quæ pari sunt

P

sunt officio destinatae, pari etiam cibo alantur. Quod ut quam minime onerosum sit, non debebunt plures in Monasterium Moniales recipi, quam congrue poterunt in singulis Monasteriis sustentari; de quo Nobis prius legitimam fidem fieri conveniet.

C A P. XIII. *De Præpositis solitarie commorantibus.*

Displicet etiam Nobis, quod quædam Monasteria quosdam Præpositos habent, qui in Capellis solitarii commorantur; quod Lateranensi Concilio vetitum est, ac cautum, ut Episcopus Abbates, monitione præmissa, per censuram Ecclesiasticam compellat, ut ejusmodi Præpositos aut Priors ad Claustrum revocent, faciantque Ecclesiis ipsis seu Capellis per Seculares Clericos deserviri, aut saltem alios Monachos ipsis adjungant.

C A P. XIV. *Visitandæ domus fratrum Teutonicorum, divi Ioannis Baptiste, & Antonitarum.*

Visitandæ quoque in primis & reformatiæ erunt domus Hospitalium militum Teutonicorum, præterea Ordinis divi Ioannis Baptiste, ac Antonitarum; atque initio providendum, ut in iisdem dominibus cultus Divinus rite ac debite peragatur, ut hospitalitas pro pauperibus servetur, ut vita ac conversatio Regularis secundum institutionem primam ac Regulam (quam illi professi sunt) illic geratur; ut ab ipsis vestes, Ordini ac Professioni dignæ ac convenientes, publice deferantur; ut commissationes, crapulæ, ac omnis luxus prohibeatur; ut prædæ illæ Bonorum mobilium, qua post mortem Prælatorum per Primores Ordinis fieri, ac in exteris regiones deferri, pessimo omnium exemplo confluverunt, amodo nequaquam fiant: sed, quicquid parsimonia defuncti Prælati coacervatum ac relictum fuit, vel necessariis usib[us] Ecclesiæ aut successorum aut pauperum ejus regionis ubi religiosa ista donum sita est, applicetur.

C A P. XV. *De vita & conversatione Monachorum.*

Et, ut revertamur ad Monachorum vitam, haud ignorare debent, Concilio Chalcedonensi cautum, Monachos oportere quieti operam dare, jejunia & orationes observare; in his locis, in quibus se semel Deo devoverunt, remanere; nullas Ecclesiasticas seu Seculares actiones tractare; nunquam sua Monasteria relinquere, nisi forsan ob ingentes necessitates id facere a suo Episcopo jubeantur; ne nomen Domini blasphemetur. Quare libertas illa peregrinandi seu execundi, præ-

textu invisendi parentes, moderanda seu penitus tollenda erit.

C A P. XVI. *Monachorum studia atque exercitationes quales esse oporteat.*

Monachus & Monacha amare debent Scripturarum scientiam, & carnis virtutem non amare; Psalterii librum de manu aut oculis nunquam deponere; semper orare, sensu vigilare; vanis cogitationibus aditum præcludere, corpore pariter & animo in Deum tendere; iram patientia vincere: breviter; nullis animi perturbationibus (que si infederint, ad delictum maximum inducunt,) locum dare; semper aliquid operis facere, ut eos diabolus semper inveniat occupatos. Et, ut nulla sint quæ manibus operari licet, libros tamen facios describere ipsis maxime conveniret, ut & manus operetur cibos, & lectione anima satiatur. Propterea Ægyptiorum Monasteria hunc morem servasse leguntur, ut nullum Monachum absque opere & labore suscipiant, non tam propter victus necessaria, quam propter animæ salutem, ne perniciose cogitationibus vagarentur, neve, instar fornicanis Israël, omni transiunti divaricarent pedes suos.

C A P. XVII. *Monachos vagos sub custodiâ revocando.*

Monachi qui pervagati fuerint, ubiunque invenientur, tanquam fugaces, Nostro auxilio sub custodiâ revocentur. Et, si qui habitum abjecerint, ut eundem reassumant, cogendi.

C A P. XVIII. *Literas privatas Monacho aut Monachæ, injussu Abbatis, resignare non licere.*

Vitæ Monachi seu Monachæ literas nullas vel destinare vel recipere audeant, absque Abbatis seu Abbatissæ, aut ejus, qui ipsorum loco Monasterio præst, scientia, summatione olim constitutum est, sed per incuriam abolitum: id præsenti constitutione innovandum censuimus.

C A P. XIX. *Canonistarum secularium mores reformati.*

Postremo, vitam, conversationem ac mores Canonistarum, quæ Seculares ob id appellantur quod perpetuae castitatis ac reliqua vota monastica non emittant, reformati omnino ducimus necessarium. Nam vitam agunt plus nimio licentiosam, ac plerisque scandalosam. Quæ ut in ordinem & Ecclesiasticam quandam disciplinam, quoad fieri potest, revocentur, Nobis, quum visitationem aggrediemur, curandum est.

P A R S